



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-005-10/23**

Datum: **24.04.2025. godine**

«Agencija za vodno područje rijeke Save» Sarajevo, rješavajući po zahtjevu Grada Zenica podnesenom putem JP za prostorno planiranje i uređenje grada «ZENICA» d.o.o. Zenica za donošenje Rješenja o prethodnoj vodnoj saglasnosti za aktivnost – izgradnja mosta preko rijeke Bosne na lokalitetu između naselja Blatuša i magistralne saobraćajnice M-17, a u postupku pribavljanja urbanističke saglasnosti, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Gradu Zenica daje se prethodna vodna saglasnost za aktivnost – izgradnja mosta preko rijeke Bosne na lokalitetu između naselja Blatuša i magistralne saobraćajnice M-17 na dijelu zemljišta označenog kao k.č. broj: 550, 555 i 1785/1 K.O. Zenica I i k.č. broj: 1747/1 i 1775/1 K.O. Zenica III, grad Zenica a u postupku pribavljanja urbanističke saglasnosti za izgradnju istog.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 2.1. Da korisnik prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na izgradnji mosta preko rijeke Bosne na lokalitetu između naselja Blatuša i magistralne saobraćajnice M-17, grad Zenica. Tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
 - 2.2. Sa vodoprivrednog aspekta kota donje ivice konstrukcije mosta, u polju i na osloncima, treba da bude viša za minimalno 80 cm računajući i proračunati uspor u odnosu na kotu velike vode rijeke Bosne ranga pojave 1/100 godina.
 - 2.3. Obalni upornjaci kao i srednji stubovi mosta, u odnosu na prirodni poprečni profil korita rijeke Bosne trebaju imati takav položaj da ne smanjuju širinu prirodnog korita.
 - 2.4. Sastavni dio investiciono - tehničke dokumentacije za izgradnju mosta treba biti: Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa eventualnim usporom, provesti hidraulički proračun za dionicu uzvodno i nizvodno od mosta te utvrditi vučne napone u koritu vodeći računa o tome da su obale rijeke Bosne na predmetnom lokalitetu uređene te za slučaj ako su veći od dozvoljenih u prirodnim koritu odrediti potrebnu dužinu prelaznih dionica od obalnih upornjaka do prirodnog korita sa oblaganjem kosina korita u svrhu zaštite od erozije.
 - 2.5. U projektnoj dokumentaciji dati tehničko rješenje sistema za prikupljanje i ispuštanje oborinskih voda sa konstrukcije mosta u recipijent, definisati mjesto ispuštanja oborinskih voda u recipijent te dati detalj ispusta.
 - 2.6. Projektnom dokumentacijom definisati organizaciju i tehnologiju izvođenja radova na izgradnji novog mosta preko rijeke Bosne i radova u obalnom pojasu, te definisati mjere koje je potrebno poduzeti u toku izvođenja radova kako ne bi došlo do erozionih procesa u koritu i obalnom područja rijeke Bosne, do uništavanja uređenih obala, do podlokovanja temelja stubova kao i negativnih uticaja na druge korisnike voda (vodosnabdijevanje, ribari i sl.).
 - 2.7. Predmjerom radova predvidjeti i radove na uklanjanju pomoćnih objekata i radove na čišćenju i uređenju korita i obala po završetku izgradnje mosta, uređenje korita rijeke Bosne u zoni obalnih upornjaka i srednjih stubova mosta, odvodnje oborinskih voda i dr.
 - 2.8. Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih.

- 2.9. Projektnom dokumentacijom treba, u skladu sa zakonskim propisima, definisati način privremenog pa sve do konačnog zbrinjavanja otpada koji će nastati u toku izgradnje novog mosta i uređenja obala i vodotoka.
- 2.10. Otpad koji će nastati u toku izvođenja planiranih radova se ne smije ni privremeno odlagati na česticu «vodno dobro», odnosno unositi u vodotok i na njegove obale.
- 2.11. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
4. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se prilaže:
 - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 5.2. Rješenje o urbanističkoj saglasnosti za izgradnju predmetnog mosta
 - 5.3. Dokaz o izvršenoj uplati upravne takse u iznosu od 60 KM
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Dana 11.01.2023. godine JP za prostorno planiranje i uređenje grada «ZENICA» d.o.o. Zenica obratilo se ovoj Agenciji u ime Grada Zenica sa zahtjevom za donošenje Rješenja o prethodnoj vodnoj saglasnosti za aktivnost – izgradnja mosta preko rijeke Bosne na lokalitetu između naselja Blatuša i magistralne saobraćajnice M-17 na dijelu zemljišta označenog kao k.č. broj: 550, 555 i 1785/1 K.O. Zenica I i k.č. broj: 1747/1 i 1775/1 K.O. Zenica III, grad Zenica a u postupku pribavljanja urbanističke saglasnosti za izgradnju istog.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 12.01.2023. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i Zenici, te dana 13.01.2023. godine u dnevnom glasilu «OSLOBODENJE». U datim rokovima nije bilo pisanih izjašnjenja o predloženim aktivnostima iz zahtjeva.

Obzirom da uz zahtjev nije dostavljena dokumentacija koja je propisana članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), dopisom broj: UP-1/21-1-40-005-4/23 od 01.02.2023. godine a potom i naknadnim dopisom/urgencijom od 23.03.2023. godine od podnosioca zahtjeva zatraženo je da istu dopuni.

Uz dopis broj: 03-1-3321/23-B/D upućen od strane JP za prostorno planiranje i uređenje grada «ZENICA» d.o.o. Zenica, zaprimljen u Agenciju dana 17.04.2023. godine, dostavljena je djelimična dopuna dokumentacije (kopija katastarskog plana, posjedovni listovi i zemljišnoknjižni izvadak za parcele na kojima je planirana gradnja mosta) uz pojašnjenje da traženo se Mišljenje/informaciju o usklađenosti planiranih aktivnosti izgradnje mosta na predmetnoj lokaciji sa prostorno planskom dokumentacijom Grada Zenica ne može dostaviti dok se ne usvoji Urbanistički plan Grada Zenica za period 2021-2041. godina čija izrada je u toku.

U provedenom postupku dostavljena je i pregledana sljedeća dokumentacija:

- Ovjereni kopiji Uvjerjenja o poreznoj registraciji za Grad Zenica - gradonačelnik izdatog dana 08.12.2014. godine od strane Porezne uprave Federacije BiH – Kantonalni porezni ured Zenica,
- Ovjereni kopiji Obavještenja o razvrstavanju pravnog lica prema klasifikaciji djelatnosti broj: 07-32.5-38506/17 za Grad Zenica - gradonačelnik izdatog dana 27.02.2017. godine od strane Službe za statistiku za područje Zeničko-dobojskog kantona,
- Identifikacija parcela označenih kao k.č. broj: 550, 555 i 1785/1 K.O. Zenica I i k.č. broj: 1747/1 i 1775/1 K.O. Zenica III, grad Zenica izdato dana 15.02.2023. godine od strane Službe za imovinsko-pravne, geodetske poslove i katastar nekretnina Grada Zenica,
- Kopija katastarskog plana za predmetne parcele izdatog dana 24.02.2023. godine od strane Službe za imovinsko-pravne, geodetske poslove i katastar nekretnina Grada Zenica,
- Posjedovni list broj: 282, 250, 310 i 239 izdato dana 20.02.2023. godine od strane Službe za imovinsko-pravne, geodetske poslove i katastar nekretnina Grada Zenica,
- Zemljišnoknjižni izvadak broj: 043-0-NAR-23-004776 ZK uložak broj: 784; broj: 043-0-NAR-23-004777 ZK uložak broj: 1480; broj: 043-0-NAR-23-004779 ZK uložak broj: 874; broj: 043-0-NAR-23-004780 ZK uložak broj: 1554; broj: 043-0-NAR-23-004775 ZK uložak broj: 786 izdati dana 28.03.2023. godine od strane Zemljišnoknjižnog ureda Općinski sud u Zenici,
- Elaborat za prethodnu vodnu saglasnost urađen od strane Centra za projektovanje i konsalting «CPK» d.o.o. Banja Luka (broj: CPK-PR-562-5/22, decembar 2022. godine),
- Dokaz o uplaćenju upravnoj taksi na zahtjev.

U skladu sa članom 3. stav (2) a u vezi sa članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) konstatovano je da ova Agencija prema važećim propisima nema uslova za nastavak postupka dok se ne riješi prethodno pitanje vezano za usklađivanje aktivnosti izgradnje mosta na predmetnoj lokaciji sa prostorno planskom dokumentacijom grada Zenica. S tim u vezi, a na osnovu odredbi člana 142. stav (1) Zakona o upravnom postupku donesen je dana 19.04.2023. godine Zaključak o prekidu postupka broj: UP-1/21-1-40-005-8/23.

Postupak izdavanja prethodne vodne saglasnosti za predmetnu aktivnost - izgradnja mosta preko rijeke Bosne na lokalitetu između naselja Blatuša i magistralne saobraćajnice M-17 je nastavljen nakon dostavljanja dopisa/zahtjeva broj: 03-1-3447/25 DR upućenog dana 04.04.2025. godine od strane JP za prostorno planiranje i uređenje grada «ZENICA» d.o.o. Zenica uz koji je priloženo sljedeće:

- Zaključak o prekidu postupka broj: UP-1/21-1-40-005-8/23 donesen dana 19.04.2023. godine od strane «Agencije za vodno područje rijeke Save» Sarajevo,
- Mišljenja o usklađenosti planiranih aktivnosti sa prostorno planskom dokumentacijom broj: 03-19-6505/25 izdato dana 21.03.2025. godine od strane Službe za urbanizam Grada Zenica (prilog: izvod iz koncepcije Urbanističkog plana Grada Zenica za period 2021-2041. godina).

U navedenom Mišljenju je konstatovano da za lokalitet predviđen za gradnju mosta nije donesen detaljan – regulacioni plan ali se isti nalazi u obuhvatu Urbanističkog plana Grada Zenica za period 2021-2041. godine koji je u fazi izrade (usvojena koncepcija plana).

Nakon izvršenog uvida u naknadno dostavljeni zahtjev sa priloženom dokumentacijom utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku nastavio postupak u cilju utvrđivanja relevantnih činjenica u ovoj upravnoj stvari.

Na osnovu uvida u dostavljenu dokumentaciju utvrđeno je:

Izgradnjom novog mosta preko rijeke Bosne na lokalitetu nizvodno od postojećeg pješačkog i željezničkog mosta u Zenici će se spojiti ulica Željeznička na lijevoj obali rijeke Bosne u naselju Blatuša sa magistralnom saobraćajnicom M-17 na lokalitetu Kamberovića Čikma na desnoj obali. Obale rijeke Bosne na lokalitetu planiranom za izgradnju mosta su uređene s tim da je obaloutvrda na desnoj obali obrasla izuzetno gustim rastinjem. Predviđena dužina mosta sa pristupnom saobraćajnicom na magistralnu saobraćajnicu je cca 175 m. Prema usvojenoj koncepciji Urbanističkog plana Grada Zenica za period 2021-2041. godine planirana je izgradnja mosta preko rijeke Bosne na lokalitetu Blatuša i magistralne saobraćajnice M-17 uključujući kružnu raskrslu na magistralnoj saobraćajnici sa priključnom saobraćajnicom.

Uvidom u dostavljeni Elaborat za prethodnu vodnu saglasnost koji je sastavni dio Glavnog projekta mosta uključujući kružnu raskrslu na magistralnoj cesti M17 sa priključnom saobraćajnicom urađen od strane Centra za projektovanje i konsalting «CPK» d.o.o. Banja Luka, decembar 2022. godine, utvrđeno je da je za novi most koji će povezati naselje Blatuša sa magistralnom saobraćajnicom M-17 u Zenici, u visinskom pogledu niveleta mosta prevashodno određena na osnovu hidrauličkog proračuna otvora mosta kojim je za max proticaj povratnog perioda 1/100 utvrđena kota velike rijeke Bosne na lokaciji mosta od

$H_{1/100}=311,76$ m.n.m. odnosno kota donje ivice konstrukcije mosta je na visini od min 1,35 m iznad kote velike vode povratnog perioda 1/100. Hidrauličkom analizom utvrđeno je da ne postoji negativan uticaj mosta na okolno područje. Oborinske vode sa mosta i pristupne saobraćajnice će se prikupljati putem slivnika i kanalizacione mreže i tretirati u separatoru masti i ulja prije ispuštanja u rijeku Bosnu.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uplaćeni su i posebni troškovi prema Zaključku ove Agencije broj: UP-1/21-1-40-005-3/23 od 27.01.2023. godine.

UPUTA O PRAVNOM LIJEKU:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP za prostorno planiranje i uređenje grada «ZENICA» d.o.o. Zenica
Ul. Mehmedalije Tarabara br 15, 72000 Zenica
- Grad Zenica
Trg BiH br 6, 72000 Zenica
- ⦿ AVP Sava, ISV-vodna knjiga
- Sektor 40 - arhiva
- Oglasna ploča - AVP Sava